

გამოცემის 54-ე წელი, (№ 1507). საქართველო. 1977. წლის 20 აპრილი.



ს. ბ.

ნ. ბ. ფირცხალაშვილი

— დასასვენებლად მივდივარ მანქანით...
— კი მაგრამ, სად დაიღალე?

იხეაურეთ ჩვენთან ერთად

ცოტა დრო როდი გავიდა მას შემდეგ, რაც მიღებულ იქნა დადგენილებანი ისეთი საშიში და სამარცხვინო სამართალდარღვევების ლიკვიდაციის შესახებ, როგორც არის მექრთამეობა და ღატაკეობა, მაგრამ ამას ჯერაც არ მოღებია ბოლო. მთელ რიგ ადგილებში შემცირდა კიდეც ამ ბრძოლის სიმძაფრე და პრინციპულობა.

გაზეთი „საბჭოთა
ბიულეტენი“

ნახ. მ. აბაშიძის

მოგვწონს თუ არ მოგვწონს, გვინდა თუ არ გვინდა, მეოცე საუკუნე მაინც გრილის, კრი-
ალის, ზრიალის, ნერვების აშლა-დაშლის სა-
უკუნეა.

ხმაურობს მეზობელი, ხმაურობს თანამშრო-
მელი, უფროსი, უმცროსი, ტრანსპორტი, ქუ-
ჩა, სტადიონი, ცინოთეატრი, ტელევიზორი!
თქვენ წარმოიდგინეთ, არცთუ იშვიათად, სი-
ჩუმეც ხმაურობს.

აი, სულ ახალთახალი, ცხელ-ცხელი ფაქტი:
მე ახლა ფელეტონს ვწერ ხმაურის წინა-
აღმდეგ, კალამი კი, თითქოს უტყვი და უენო
საგანი, მაინც ხმაურობს, ვერა და ვერ
გამიჩუმებია.

რაკი ხმაურის წინააღმდეგ ხმაურს ჯერხნო-
ბით არაფერი სასიკეთო შედეგი არ მოჰყოლია,
ვფიქრობ, ამ პრობლემას ახლა მეორე მხრი-
დან უნდა მივუღოთ. იმ მხრიდან, საიდანაც
ხმაური იბადება, როგორც სიჩუმის უკანონო
შვილი. საკითხის ამ მეორე მხარეს მე ხმაუ-
რის მეცნიერულ ორგანიზაციას ვუწოდებ.

ხმაურის მეცნიერულ ორგანიზაციაზე ფიქრი
გულში შემომავრდინდა-მეთქი, რომ გითხრათ,
მაინც არ ირწმუნებო. ვფიქრობდი კარგა ხანს,
ღრმად და გვარიანად.

წინასწარ ვიცოდი, რომ ხმაური, თუნდაც
მეცნიერულად ორგანიზებული, ყურისათვის
დიდი ვერაფერი შეღავათი იქნებოდა, მაგრამ,
რაკი მეცნიერულად ორგანიზებული დაერქმე-
ვა, იქნებ ტვიზმა უფრო იოლად გადახარშოს-
მეთქი, ყურები რაკი განწირულია, იქნებ ტვი-
ზი მაინც გვეხსნა.

ხმაურის მეცნიერული ორგანიზაციის ჩემე-
ული მეთოდი მარტივია და ყველასათვის ხე-
ლმისაწვდომი, არ მოითხოვს რაიმე, დამატებით
მატერიალურ-ფინანსურ დანახარჯებს, უფრო
მეტეც, ფიქრსაც არ მოითხოვს...

კონკრეტული მაგალითი გნებავთ? ინებეთ!

ვთქვათ, ქუჩიდან თქვენს ოთახში ისეთი
ხმაური შემოდის, რომ ყური გაგებერბათ.
ასეთ შემთხვევაში, ჩვეულებრივ, შინიდან გას-
ვლას ამჯობინებენ, ხმაურს გაცულებიან ხოლ-
მე. მაგრამ ჩვენი მეთოდი შინ დარჩენას მო-
ითხოვს.

რაკი ბამბით ყურის დაცობას აზრი არა აქვს
(იმ უბრალო მიზეზით, რომ ბამბას ვერ იშო-
ვით) ამ ჯოჯოხეთური კავადონის ჩახშობა
ხმაურის მეცნიერული ორგანიზაციის მეშვეო-
ბით უნდა მოახდინოთ.

ქუჩის ხმაურის გულზე გასახეთქად ჩარ-
თვით მტვერსასრუტს, იატაკის საპირილებელს,
რადიოს, ტელევიზორს, ელექტროსაპარსს თუ
რადიოლასს... ზედმეტია იმის მტკიცება, რომ
თქვენი ინიციატივით ამტყდარი ხმაური გა-
დაფარავს კი არა, ერთიანად გადაყლაპავს ქუ-
ჩის ხმაურს.

იხეც ცხოვრებისეულ მაგალითს მოვუხმით:
დავუშვათ, მეზობელმა, რომელსაც მუსიკის
გაგვითილები აქვს მოსწავლეობთან, ისე შეგა-
წუხათ, რომ ველარ იძინებთ, ძილი თვალებს კი
არა, სათოფეზეც აღარ გეკარებთ. ასეთ
დროს არამეცნიერული იქნებოდა, ასულიყა-
ვით თქვენს მუსიკოს მეზობელთან და მოკ-
რძალებით გეთხოვათ: თუ შეიძლება, ხმადაბ-
ლა, წყნარად, ერთი დაძინების უფლება მდი-
ნარესაც აქვს და ჩვენც ხომ ბუნების შვილე-
ბი ვართ!



— შეხედე, როგორ გაუმეაღწენ, ფულს ხელს აღარ კიდებენ!

მაგრამ ხმაურის მეცნიერული ორგანიზაცია
ასეთ შემთხვევაში მოქმედების სრულიად ახალ,
ორიგინალურ განვითარებას მოითხოვს. რაკი
თქვენც ვილაციის თვზე ან გვერდით სახლობთ,
რაკი შეგიძლიათ არა მარტო შეწუხდეთ ხმაუ-
რით, არამედ, თუ საჭირო გახდა, იქით შეაწუ-
ხოთ. მიუჩეკით ფორტეპიანოს, მერე
რა, რომ მუსიკისა არა გაგებდათ, დასცხეთ
და დაჰკარით კლავიშებს, ან მაგიდას ხან
მუშტი, ხან წიხლი... ალიყური გლიჯეთ გე-
დელს, აქეთ სკამს გამოსდეთ შუაყაური!
მფრინავი თეფშებისა არ იყოს, მანევრირება
ყველა მიმართულებით შეგიძლიათ.

მესამე, უფრო ტიპური შემთხვევა:

ვთქვათ, უფროსმა გიყვირათ, თანამდებობა
აქვს და რა ქნას, არც იმას გაემტყუნება —
ვილაციას ხომ უნდა უყვიროს! ასეთ დროს ბუ-
ნებრივი და ლოგიკური (მაგრამ არამეცნიე-
რული) იქნებოდა, წყენა დროებით რომ გა-
დაგეყლაპათ და მერე ზარი და რისხვა თქვენს
ხელქვეითებზე დაგეტბათ. ხმაურის მეცნიე-

რული ორგანიზაციის მოთხოვნათა შესაბამი-
სად კი თქვენმა უფროსმა თქვენგანვე, ცომ-
ციმ, იქვე უნდა მიიღოს პასუხი, ამასთან
აუცილებლად ყვირილითვე. ყვირილის ტექსტი
ისე უნდა შეირჩეს, რომ უფროსმა ერთხელ
და სამუდამოდ გაიგოს, მისი ნერვებისა მოშ-
ლა და ყვირილი არ შეიძლება, რომ თქვენ არ
ღირხართ საყვირლად, რომ მისი პატივცემუ-
ლი, ამაღლებული ხმა უფრო დიდი, საქვეყ-
ნო საქმეების გადაწყვეტას უნდა მოხმარდეს...

„კაცი კაციითაო, ღობე ჭაცითაო“, ნათქვა-
მია. ჰოდა, თუ ყველას ერთი პირი გვექნება,
თუ ერთად ვიბრძოლებთ სიწყნარისა და სიმ-
შვიდის, გარინდებისა და განცხრომის წინააღ-
მდეგ, თუ ერთნაირად, ერთსა და იმავე
ღროს, ერთი და იმავე ძალით ვიხმარებთ, თუ
აუხმაურებელს აღარავის და აღარაფერს დავ-
ტოვებთ, მერწმუნეთ, ეს ყბადაღებული ხმაუ-
რის მკრობლემა წელში ერთხელ და სამუდამოდ
გადაწყდება.

ზაზა კაციაშვილი




«Жить с женой грустно... ох какая грусть, Я с женой -разойдусь, на теще женюсь». არა, ეს სექსუალური მანიაკი სიძის განცხადება არ გეგონოთ, არც ის იფაქროთ, თითქოს ვინმე საკუთარ სიდედრს უკეთებდეს რეკლამას. ზემოთ მოყვანილი სიტყვები ფირფიტაზე ჩაწერილი სიმღერის ტექსტია.

— რომელი გრამფირფიტების ფირმა წერს ასეთ უცნაურ სიმღერებს? — გაიკვირვებთ ალბათ.

თუ ამ ზაფხულს გაგრას წვევებხართ, არ შეიძლება თქვენი ყურადღება არ მიეპყრო პატარ-პატარა ჯიხურებს, სადაც ხმისჩამწერი ოსტატები დიდი გულმოდგინებით თავაზობენ დამსვენებლებს ასეთი შინაარსის ფირფიტებს.

სიმღერას «Моя озорная теща!» ასრულებს ვინმე ჩერნოვი, რომელიც ერთხანს გაგრის რესტორნებში მღეროდა, შემდეგ ისეთი პოპულარული გამხდარა, რომ კურორტ გაგრის მიმზიდველი ხე-



დებით ლამაზად გაფორმებულ თხელ ფირფიტებზეც კი ჩაუწერიათ:

«Теща моя ласковая, заботливая, молодая, озорная, поворотливая!» — გვაუწყებს ჩერნოვი და მიფრინავს. დამსვენებლების მიერ შექმნილი ფირფიტები, წარწერით „კურორტი გაგრა“ ხაბაროვსკში, ვლადივოსტოკში, ლვოვსა და ლენინგრადში...

გაგრის საყოფაცხოვრებო მომსახურების უფროსს ვ. შარანგიას რომ ვაცნობეთ, თქვენს ხმისჩამწერ ჯიხურებში ასეთი და ასეთი შინაარსის ფირფიტები იყიდებაო, სიმართლე გითხრათ, ძალიან ეწყინა: — მაგათ ვაჩვენებ სეირს, როგორ უნდა საზოგადოებისათვის მიუღებელი ფირფიტების გაყიდვას!

ჰა, ბურთი და ჰა, მოედანი!

თამაზ ჭიჭიშვილი



ნ.ხ. ჯ. ლოლუასი



— ეს კაცი იმდენს ჩხუბობს, რომ გოლოს ინფარქტი დაემართება.
— გული არა კაშს და ინფარქტი საიდან დაემართება?!

ეპიგრამები

ქალის ტვირთი

ხომ მძიმეა ქალის ტვირთი,
თუ ქალს მართლა ესმის ვალი,
და ცის თაღზე მძიმე გახლავთ,
თუ იქცევა ტვირთად ქალი.

მოდური სიძნელეები

— რა ვქნა, ამ გოგო-ბიჭების
გარჩევა ერთობ ძნელია!
— კარგებს ხომ არჩევ, მოხუცო?
ცუდი რა საცოდნელია!

„რჩეული“

რა „რჩეული“ გამოგიცეს!
გავშალე და გამიკვირდა:
ვიდრე რამეს დაბეჭდავდნენ,
ეს ქალაღლი მეტი ღირდა.

აკაკი ბელოვანი

ნიანბის კბილქვეშ

მონღო ის,
რაც უნდა
მომხდარიყო.

മുദ്രാമുദ്ര!

ზრთა ხოდაშნელი



— მომეცით „ხნა“ თმის-
თმის, „ტონი“ სახისთვის, სა-
ღებავი წარბებისთვის, ტუში
წამწამებისთვის და კომადა
ტუჩებისთვის...

შეგვეკითხოთ, გიგანსუხებო

კითხვა: ძვირფასო რედაქცია! სხვადასხვა ქიმიური საშუა-
ლებების ხმარებით სახის კანი გამიფუჭდა. გთხოვთ მიჩიოთ,
როგორ დავიბრუნო წინანდელი სილამაზე?

პასუხი: კანზე ძალიან კარგად მოქმედებს ნილბის დადგმა.
სახე დაიბანეთ საპნით და შეიმშრალეთ მშრალი. ხაოიანი პირ-
სახოცი. წაისვით მზესუმზირას ზეთი. შემდეგ კი სახეზე დაი-
ლაგეთ თხლად დაჭრილი კიტრი და პომიდორი, ყოველნაირი
მწვანელი, მოყვარეთ მარლი, არ დაგავიწყდეთ ზემოდან პე-
რის ნაჭრების დალაგება და წამოწეკით. იწექით გაუნძრევლად.
15 წუთისა და 12 წამის შემდეგ ყველაფერი მოიცილეთ და
სახე კვლავ დაიბანეთ. სასარგებლოა. აგრეთვე, სახეზე დაილა-
გეთ დაჭრილი ხახვი, შემწვარი ხორცის ნაჭრები. კარგია ათ-
ქვეფილი კვერცხის ცილა („ბეზე“), ტკბილი მაწონი, არაყანი,
მაიონეზი, ამოხედილი ლობიო, ხიზილა და სხვა.

ამ ბუნებრივი საშუალებების ხმარების შემდეგ თქვენი სა-
ხის კანი გახდება ნაზი, ხავერდოვანი, ელასტიკური და მამ-
ზიდველი.

ექიმი კოსმეტოლოგი გ. რ.

კითხვა: ძალიან გავსუქდი, ექიმმა მიჩიოა ძუნძულით სირ-
ბილი. სირბილი, თურმე, გულ-სისხლძარღვთა და ნერვულ
სისტემაზეც სასარგებლო გავლენას ახდენს. მონდომებით შე-
ვუდექი ამ ვარჯიშის შესრულებას. დილით ძუნძულით გა-
მოვარდი სახლიდან. ვამჩნევდი ხალხის გაკვირვებულ მზერას.
მაგრამ ყურადღება არავისთვის მიმიქცევია. შემდეგ მეტროში
ჩავეძუნძულდი, ავტობუსის გაჩერებაზედაც კი ვძუნძულდები.
შიგ ავტობუსში ძუნძული არ დამჭირვებია, რადგან ავტობუ-
სი თვითონ ძუნძულდება. როგორც იქნა, მივეძუნძულდი ინს-
ტიტუტში. ამხანაგები სინანულით მიყურებდნენ და ეჭიმთან
წაძუნძულებას მიჩივდნენ. ასე განმეორდა სამი დღე. მეოთხე
დღეს, ქუჩაში გულმოდგინე ძუნძულის დროს ხელი დამავლეს
და სასწრაფო დახმარების მანქანაში ჩამაგდეს. მერე აღარაფე-
რი მახსოვს. გონს რომ მოვედი, ფსიქიატრიულ საავადმყოფო-
ში ვიყავი. ახლა არ ვიცი როგორ დავიხსნა აქედან თავი.

პასუხი: იწექით მანდ, სანამ არ გამოიკვლევენ, თუ რა გა-
ძუნძულებთ!

ექიმი დ. გ.

კითხვა-პასუხები შეკრება ნუნუ ანდრიაშვილმა

საპაგიო უპაგიოებელი

მ. კორიშენი

განაწყენებული ბუზი

ბუზთან სპილო აქეს ძლიერ,
აიყვანეს იგი ცამდე,
მას ვერავენ მოერევა,
მისი ძალა ყველას გწამდეთ.

თუ ხორთუმი მოიმარჯვა,
ასწევს მაღლა მთებს და სახლებს,
მისი ტოლი არვინ არის,
უბატონოდ ხელს ვინ ახლებს!

განაწყენდა უცებ ბუზი:
— ძალად აქებთ, ძალად ბერავთ,
სპილოს ძალა, სპილოს ღონე
მე პირადად არა მჯერა!

მას ჩავთვლიდი მართლა გმირად,
მექნებოდა გასაკვირად,
რომ ჩემსავით სახლის ჭერზე
დაცოცავდეს თავდაყირა!

თარგმნა სტეფანე მხარბრძელმა

ილია აროსია

თელავის ფეხბურთელთა გუნდმა „ნადიკარმა“ სა-
ქართველოს თასი აიღო.



ნ.პ. ლელუასი

-- ყურძნის უხვი მოსავალი აქვთ და თასიც ღრუზე აიღეს!

ორშაბათ დილით განყოფილებაში მდივანი გოგონა შემოგოგმანდა.

— ბატონო ირაკლი, რედაქტორი გთხოვთ!

— აღარ არის საშველი ამ ლოთებისაგან, — კაბინეტში შესვლისთანავე მომახალა მთავარმა რედაქტორმა. — წარმოგიდგენია? გუშინ მე და ჩემი მეუღლე ჩაის სახლიდან ვბრუნდებოდით. მოვდიოდით ჩვენთვის ქუჩაში, მოვსეირნობთ...

— როგორ, მანქანა გაგიფუჭდათ, ბატონო სვიმონ?!

— არა, მანქანა იქვე იდგა. უბრალოდ, ჩაის სახლიდან მანქანისაკენ მივდიოდით და, ნუ გამახსენებ... მოდიან ორნი, შეხედავ, ინტელიგენტებს გვანან. მოკლედ, ერთმა მათგანმა ჩემს მეორე ნახევარს თვალი ჩაუკრა... ჩემი ირაკლი, ზოგადი სახის კრიტიკული წერილი უნდა მოამზადო ლოთობის

პრობლემაზე. რაც შეიძლება ნატურალური და აქტუალური უნდა იყოს, ლოთის ფსიქოლოგიით გაუღენთილი, ისეთი, რომ ფელეტონს ღვინის სუნი ასდიოდეს.

წერილი რომ უფრო ბუნებრივი გამომსვლოდა, თავს ნება მივეცი, რამდენიმე საათი ბახუსის ტყვეობაში გამეტარებინა.

ურთიერთდახმარების სალაროდან ორმოცდაათიოდე მანეთი ვისესხე და რესტორან „ჯარგვალისაკენ“ გავექანდი. ოფიციატს ორი ბოთლი „წინანდალი“, ყველი, პური და მწვანელი მოვატანინე. რესტორან „ჯარგვალში“ გვიანობამდე ვიჯექი, სანამ ადმინისტრატორმა და მორიგე რაზმელმა ძალით არ გამომიყვანეს. მეორე დილით ფელეტონი რედაქტორს მაგიდაზე დავუდე.

— მდაა, მასალა მშრალია! — მშრალი ღვინო ვსვი წუხელ, ბატონო სვიმონ, და... — შევეცადე გახუმრება.

— ამხანაგო სირბილაძე! ნუ გავიწყდებათ, რომ თქვენი წერილი ფრიად აქტუალურ საკითხს ეხება. გაამდიდრეთ მასალა და პირდაპირ სალინო-ტიპო საამქროში ჩააგზავნეთ! — მირჩია რედაქტორმა.

კიდევ ვისესხე ორმოცდაათიოდე მანეთი და კვლავ რესტორან „ჯარგვალს“ ვეწვიე. ფელეტონი რომ მეტად დამაჯერებელი გამომსვლოდა, ამჯერად ოთხი ბოთლი „წინანდალი“ დავუკვეთე. მესამე ბოთლზე მომეჩვენა, რომ დარბაზში მეტისმეტი მოწყენილობა იყო, ამიტომ მაგიდაზე მუშტის დარტყმით გამოვხატე პროტესტი, რის შედეგადაც წინანდლის სასვე ბოთლი ახტა და იატაკზე

მოადინა ტყაპანი. შემდეგ კი მახსოვს, ვიღაც ქალს მხმამედი ბოდი, მერე ვიღაც მამაკაცი „მხედრულს“ უვლიდა ჩემს გარშემო... დილით გადაკეთებული და მწვავე სიტუაციებით გამდიდრებული ფელეტონი რედაქტორს მივუტანე. მას ფელეტონისათვის ზედაც არ დაუხედაია, უჯრა გამოაღო, იქიდან რალაც ბეჭდიანი ქაღალდი ამოიღო და ცხვირწინ დამიტრიალა:

— რა არის ეს! თავს სჭრი რედაქციას?! საჩივარი მოვიდა შენზე რესტორან „ჯარგვალიდან“, დაგილევია იქაურობა. ადმინისტრატორისათვის ცხვირზე გიკბენია, საავადმყოფოში დაუწვევიათ, საწყალი!

როლანდ ჯალაღანიძე


ნახ. მ. მჭედლიშვილისა




უსიტყვოდ



უსიტყვოდ



უსიტყვოდ



უსიტყვოდ



უსიტყვოდ

ნახ. მ. აბაშიძისა

ზამბიის მთავრობამ მსჯავრი დასაღვრის ნავთობის მონოპოლიებს, რომლებიც ეხმარებიან რასისტული როდენიის ეკონომიკას. „შელ-ბრიტის“ „ტოტალი“ და „მობილ-ოილი“ უხეშად არღვევენ გაერთიანებული ერების ორგანიზაციის ემბარგოს, როდენიისათვის ნავთობის მიწოდებას. შესაძლებელია რომლის გარეშეც რასისტული რეჟიმის უკანონო სამხედრო მანქანა ვერ იმოქმედებდა.

რასიზმის მამოძრავებელი ძალა



ნ.ბ. ბ. ლომიძის

მთავარი რედაქტორი ზურაბ გეგაზუშვილი საბადაძეთი კოლეგია: ზ. ბოლშაქოვ (მო. რედ. მოადგილე), ზ. აბიშვილი, ჯ. ლოლუა, ბ. ლომიძე, ნ. მალაზონია (ხატვ. რედ.), ბ. ნიჟინიძე, ბ. სიხარულიძე (პეგ. მდივანი), ბ. ზირცხალავა, მ. ვილიძე. © ტექნიკური რედაქტორი მ. კუხალაშვილი, © საბიკისა და იუზორის შერჩეული „ნიანგი“. © თბილისი, რუსთაველის პროსპექტი № 42, საქართველოს კ. ც. ც. გამომცემლობა, © გადაცემა ასაწყობად 4/VIII-77 წ. ხელმოწერილია დასაბეჭდად 29/VIII-77 წ. ქაღალდის ზომა 70x108/8 ფიზიკური ნაბეჭდი ფურცელი 2. სადრიცხო-სავაჭომეცმო თაბახი 1.7. © საქართველოს კ. ც. ც. გამომცემლობის სტამბა, თბილისი, ლენინის ქ. 14. © შეკვ. 2515 უგ. 00796 ტირ. 140.000 © თბილისი, რ. რუსთაველი № 42, Сатирико-юмористический журнал «Ниянги». © Издательство ЦК КП Грузии © Типография Издательства ЦК КП Грузии. Тбилиси, ул. Ленина № 14.

ტელეფონები: 99-76-69, 93-19-42, 93-10-76, 93-49-32. რედაქციაში შემოსული მასალები ავტორებს არ უბრუნდებათ.

ნახატი, ავტორის ავტორი: ბი. ბ. ზირცხალავა, ა. ადვ. იშვლი, მ. აბაშიძე, ი. კოკიაშვილი, მ. მკელიძე, დი. ვ. კუცია.

